


14-17
1822

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r predsjedavajućeg Skupštine Kantona Sarajevo

Uputiti:

Ministarstvo za rad, socijalnu politiku, raseljena lica i izbjeglice Kantona Sarajevo
Ministarstvo saobraćaja Kantona Sarajevo

ZASTUPNIČKA INICIJATIVA

Predmet: Inicijativa za obezbjeđivanje besplatnog javnog prevoza za socijalno najugroženije kategorije stanovništva u Kantonu Sarajevo

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo saobraćaja Kantona Sarajevo, na osnovu socijalne karte i evidencija nadležnih centara za socijalni rad, obezbijede besplatan kupon za javni gradski prevoz KJKP GRAS za socijalno najugroženije kategorije stanovništva u Kantonu Sarajevo.

Prijedlog mjera

S tim u vezi predlažem da nadležne institucije:

1. Izvrše analizu broja korisnika koji se nalaze u stanju socijalne potrebe i koji nemaju stalna primanja, te na osnovu socijalne karte definišu kriterije za ostvarivanje prava na besplatan javni prevoz.
2. Obezbijede sredstva za finansiranje besplatnih mjesečnih kupona za javni gradski prevoz KJKP GRAS za osobe koje pripadaju socijalno najugroženijim kategorijama stanovništva.
3. Uspostave jednostavan i efikasan sistem ostvarivanja prava putem centara za socijalni rad i nadležnih institucija.
4. Razmotre mogućnost proširenja prava i na druge kategorije građana koje se nalaze u posebno teškoj socijalnoj situaciji.

Obrazloženje

Veliki broj građana Kantona Sarajevo nalazi se u izuzetno teškoj socijalnoj i finansijskoj situaciji, bez stalnih primanja i osnovnih uslova za normalan život. Troškovi javnog prevoza za mnoge predstavljaju dodatno opterećenje, zbog čega su često ograničeni u svakodnevnom kretanju, odlasku na razgovore za posao, zdravstvene ustanove i druge institucije.

Obezbjeđivanjem besplatnog javnog prevoza za socijalno najugroženije kategorije stanovništva omogućilo bi se:

- lakše i dostojanstvenije kretanje građana,
- veća mogućnost aktivnog traženja zaposlenja,

- smanjenje socijalne isključenosti,
- te direktna pomoć građanima u prevazilaženju teške materijalne situacije.

Posebno je važno naglasiti da javni prevoz nije luksuz, već osnovna potreba građana, naročito onih koji se nalaze u stanju socijalne potrebe.

Cijeneći navedeno, smatram da je obaveza institucija Kantona Sarajevo da kroz konkretne mjere pruže podršku najugroženijim kategorijama stanovništva i omoguće im osnovne uslove za normalno funkcionisanje i uključivanje u društveni život.

Molim da nadležne institucije razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

Sebija Izetbegović

A red rectangular box redacting the signature of Sebija Izetbegović. The box is positioned below the name and above some faint, illegible handwritten text.